

MuKanta oahpisiin

– ofelaš riikkavuložiidda



Kanta



MuKantas oainnát iežat dearvvašvuođadieđuid

MuKanta lea riikkavuložiidda dárkkuhuvvon riikkaviidosáš neahttabálvalus, mas oainnát iežat dearvvašvuođadieđuid ja veháziid mielde maddái sosiálabálvalusaid áššehasdieđuid. Oainnát MuKantas daid dieđuid, mat du birra leat vurkejuvvon Kanta-bálvalusaide dahjege Kantai.

Dieđut vurkejuvvojit Kantai, go divššut áššiid dearvvašvuođafuolahusas, apteaikkas dahje sosiálabálvalusain. Sosiála- ja dearvvašvuođafuolahusa ámmátolbmot girjejit du birra dieđuid, go finat ovdamearkka dihte doaktáris dahje divššut áššiidat sosiálabálvalusain ovttas iežat bargiin.

Sáhtát dikšut áššiid MuKantas maddái iežat lagašolbmo dahje máná beales.

MuKantas sáhtát

- lohkat girjemiid, mat laktásit du dikšui
- bivdit reseapta ođasmahttima
- dárkkistit laboratoria- ja röntgendutkamušaid bohtosiid
- oaidnit sosiálabálvalusaid dieđuid, mat bohtet bálvalussii muttuid mielde
- vurket iežat dikšodáhtu ja orgánaidluobahandáhtu
- váikkuhit iežat dieđuid geavahussii sosiála- ja dearvvašvuođafuolahusas.


MuKantai sisačáliheapmi

Sáhtát geavahit MuKanta, jos dus lea suomelaš persovdnadovddaldat ja muhtun dain dovdánreaidduin.

- neahttabánkodovddaldagat
- mobiilasihkkarastin
- sihkkarastinpersovdnakoarta

Ná čálihat sisa MuKantai

1. Čále neahttalogana čujuhusgurgadassii **kanta.fi**.
2. Vállje kanta.fi siiddus boalu **Kirjaudu OmaKantaan** (čálit sisa MuKantai).
3. Don stivrejuvot **Suomi.fi bálvalussii**, mii lea almmolaš hálddaha nana elektrovnnalaš dovdánvuohki. Dál sáhtát välljet dovdánvuogi, man háliidat geavahit, dego bánkodovddaldagat dahje mobiilasihkkarastin.
4. Dárkkis dieđuid ja coahkkal **Jatka** (joatkke), de sirdásat MuKantai.
5. Čálit olggos MuKantas, go loahpahat dan geavahusa. Gurre loahpas siidohistorjjá.



Ná diehtu johtá Kantas

Sosiála- ja dearvvašvuodáfuolahusa ámmátolmmoš girje ja geahččá du dieđuid iežas diehtovuogádagas. Doppe dieđut vurkejuvvojit Kantai dakkárin go ámmátolmmoš daid girje. Juohke riikkavuloš sáhhtá geahččat ja hálddašit iežas dieđuid MuKantas.



Sosiála- ja dearvvašvuodáfuolahusa ámmátolmmoš girje ja geahččá dieđuid iežas diehtovuogádagas. Doppe dieđut vurkejuvvojit Kantai.

Jos dieđuin lea meattáhus, mat oidnojit MuKantas

Jos fuobmát iežat dieđuin meattáhusaid dahje váilevuodaid, váldde oktavuoda njuolga sosiála- ja dearvvašvuodáfuolahussii. Jos ovdamearkka dihte leat fitnan dearvvašvuodastašuvnnas, dieđuid ferte divvut doppe. Jos fas leat fitnan priváhta doavttiristašuvnnas, váldde oktavuoda njuolga dohko.

Sáhtát váikkuhit iežat dieđuid geavahussii

Kantai vurkejuvvon dieđuid gieđahallat dorvvolaččat. Du dieđuid sáhttet geahččat ja geavahit dušše dat dearvvašvuodáfuolahusa dahje sosiálafuolahusa ámmátolbmot, geat dikšot du áššiid. Dieđut geavahuvvojit dalle, go dat leat dárbbaslaččat du divššu ja áššiiddikšuma dáfus.

Ámmátolmmoš, guhte dikšu du, sáhttá geahččat Kanta bokte maiddái dieđuid, mat leat girjejuvvon du birra eará dearvvašvuodáfuolahusa organisašuvnnain, dego nuppi buresveadjinguovllus dahje priváhta dearvvašvuodastašuvnnas. Go dieđut johtet ámmátolbmossu nubbái, oaččot buori divššu iige ovdamearkka dihte dutkamušaid dárbbas dahkat mángii.

Sáhtát ieš váikkuhit dasa, man viidát ámmátolbmot sáhttet atnit du dieđuid ávkin. MuKantas sáhtát addit lobi dieđuidat luobahepmái dahje gielddit dan. Sáhtát ovdamearkka dihte gielddit dihto fitnama dieđuid luobaheami.

Luobahanlobiin muitalat iežat dáhtu ja mieđihat dieđuidat luobaheami oassebeliid gaskkas, guđet dikšot du. Dainna lágiin du dieđut johtet ovdamearkka dihte almmolaš ja priváhta dearvvašvuodáfuolahusa dahje guovtti sierra buresveadjinguovllu gaskkas, go divššut áššiid sierra dikšobáikkiin.

Máná beales áššiiddikšun MuKantas

Fuolaheaddji sáhtta dikšut áššiid MuKantas iežas vuolleahkásaš máná beales. MuKanta dahká álkibun máná áššiiddikšuma.

Dikšu ámmátolmmoš árvoštallá, sáhttago vuolleahkásaš mearridit iežas divššu birra. Mearridannávccalaš nuorra oažžu ieš válljet, oidnojitgo su dieđut fuolaheaddjái MuKantas. Jos nuorra ii sáhte mearridit iežas divššu birra okto, oaidná fuolaheaddji maid fitnama dieđuid, dego doaktára girjemiid ja fitnama vuodul mearriduvvon reseaptaid.



MuKantas sáhtát dikšut áššiid máná beales

Nuppi ollesolbmo beales áššiiddikšun MuKantas

Lagašolmmoš sáhtá dikšut áššiid MuKantas nuppi ollesolbmo beales, jos sus lea dasa Suomi.fi fápmudus. Fápmudusa sáhtá oažžut maiddái olbmoss, gii ii geavat neahttabálvalusaid dahje oamas neahttabánkodovddaldagaid. MuKantas áššiiddikšumii dárbbášlaš fápmudusat leat

- Dearvvašvuodafuolahusa áššiiddikšun
- Sosiálafuolahusa áššiiddikšun.

Nuppi beales sáhtá ovdamearkka dihte

- bivdit reseapta ođasmahttima
- geahččat laboratoriadutkamušaid bohtosiid
- lohkat dieđuid fitnama birra dearvvašvuodafuolahusas
- geahččat sosiálabálvalusaid dieđuid.



MuKantas sáhtát dikšut áššiid nuppi ollesolbmo beales

Gos oaččun lassedieđuid?

- čujuhusas **kanta.fi**
- Sosiála- ja dearvvašvuodafuolahusa ámmátolbmuiin ja apteaikkas.

Ságastala minguin sosiála medias

 Facebook: **@Kantapalvelut**

 Deakstadiehtobálvalus X: **@Kantapalvelut**

 LinkedIn: **@Kantapalvelut**

Kela bajásdoallá Kanta-bálvalusaid.
Kela ovddida Kanta-bálvalusaid ovttas
Dearvvašvuodá ja buresveadjima lágádusain ja
sosiála- ja dearvvašvuodáministeriijain.

MuKanta gullá riikaviidosaš Kanta bálvalusaide
ja lea riikavuložiid oainnus sosiála- ja
dearvvašvuodafuolahusa dieđuide.